

## 1 Enformaziuns y termins

### 16 de ma 2021: De Internazional dai Museums:

- **San Martin, 14:30 - Museum Ladin Ciastel de Tor:** le artist **Manuel Riz** nes cunta la storia y l'evoluziun dla caricatöra. La dörada é de zirca 45-60 minuc. Posc limités y sön prenotaziun. Le referat gnará a vigne moda tut só y sará da odei sön le canal YouTube dal museum dal 20 de ma ennant. **Orars de daurida: dales 14:00 ales 18:00.**
- **San Ciascian, dales 10:00 y dales 11:00 - Museum Ladin Ursus Iadnicus:** Vijites menades por descurí la storia dles Dolomites y dla laurs dai andri. La vijita döra zirca 45 minuc. Posc limités y sön prenotaziun. **Orars de daurida: dales 10:00 ales 18:00.**

Por deplü enformaziuns y prenotaziuns cherdé sö le numer dal Museum Ladin Ciastel de Tor, ☎ 0474 524062.

**Referat online „Die Welt dreht sich anders – Ist mein Kind noch normal? Oder braucht es trotzdem Hilfe?“** Referenta: Dot.a Irene Berti, doturia specialisada por la psichiatria y psicoterapia de mituns y jog. Can pa? ai 18 de ma ales 19:30. Por che pa? geniturs, insegnanc y enteressés. Link por tö pert online: <https://zoom.us/j/94555508588>

**La Ciasa de Palsa Ojöp Freinademetz** chir pracitcanc/antes danter 16 y 21 agn por l'isté co á veia y motivaziun da emparé a conesce la Ciasa de Palsa y sü berbesc y söes medes. Enformaziuns plü monüdes ciafun te Ciasa de Palsa al, ☎ 0474 524700 y sön la plata Internet <http://www.sommereinmalanders.it/> Se scrí ite pón fina ai 23 de ma tres la plata internet <http://www.sommereinmalanders.it/>. Le proiet ven motü a jí con le sosten dla Stiftung Südtiroler Sparkasse, dal Südtiroler Jugendring, dal Wohnen im Alter y dla Assoziatiun Provinziala dles Ciasas de Palsa.

*Heute ist unser Herr Jesus Christus in den Himmel aufgefahren, und unser Herz soll mit ihm dorthin aufsteigen. (...) Wie Christus aufgefahren ist und dennoch nicht von uns gegangen ist, so sollen auch wir bei ihm sein, wenn auch unser Leib noch nicht das erlangt hat, was ihm versprochen ist.*

Aus einer Predigt des heiligen Augustinus

**Döt le bun a:** Sr. Angelica Daverda, Legnano \* 17.05.1930  
Milio Winkler \* 17.05.1933  
Jan Brandlechner \* 18.05.1933  
Judita Burchia Kofler, Schenna \* 19.05.1938  
Veronica Willeit ved. Steiner, Braies \* 20.05.1937  
Oliva Feichter Bridi \* 21.05.1921  
Heinrich Erlacher, Al Plan \* 21.05.1946  
Giuliana Ellemunter ved. Maffei, Savignano \* 22.05.1936  
y a düc chi co á santennom y complex i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)




## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ klsottsas@rolmail.net

Calogna Al Plan: ☎  
0474 501006  
Radio de Ploania:  
☎ 0474 501007

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann B

### 16.05.2021 - PALSACRUSC GRAN FESTA DL'ASCENSIUN DAL SIGNUR

n. 25



I - dio é jü sö con iu - bi - lan - za



le Si - gnur pro le sonn dles po - ssau - nes

📖 St.Ap 1, 1–11 | Ef 1, 17–23 | Ef 4, 1–13 | Mc 16, 15–20

#### Dal Vangelo do San Merch:

Te chel tomp ti é Gejú comparí ai önesc<sup>15</sup> y ti á dit: Jide fora te döt le monn, y encündedi le vangelo a dötes les creatöres! <sup>16</sup>Chel co crei y se lascia bacé ven salvé, mo chel co ne crei nia ven condané. <sup>17</sup>Y tres chi, co é roés a creie, sozedarál chisc segns: Te mio ennom pararái fora demonns; ai baiará lingac nös, <sup>18</sup>ai piará ete bisches y sc'ai ber tosser mortal, ne ti fajarál degün dann, y i amarés, a chi ch'ai ti met sö les mans, gnará varís. <sup>19</sup>Do che Gejú, le Signur, ti á albü dit cösc, él gnü tut sö tal ci y s'á sonté a man derta de Dio. <sup>20</sup>Ei deperpo é piés ia y pordicâ endlunch. Le Signur i sostignia y confermá l'encündaziun tres segns ch'al lasciá sozeder.

**I ponsun do:** *I discepui de Gejú co encünda le Vangelo encunta resistenzes desvalies. Ai adora la sügherté che ai é sot ala proteziun de Chel Bel Dio. I cristiagn á entres endô sontí la gran forza co ven dala Parora de Dio y che Chel Bel Dio acompagneia sü sorvidús.*

**I periu:** *Dio y Pere, con l'Ascensiun de to Fi aste alzé sö cuntra te dötä l'umanité. Emplescesse de ligreza che Crist s'accompagneia sön nosc tru, cina che ince nosta vita gnará perfezionada tla comunité con te. Por Crist, nosc Signur.*

Vesco Wilhelm Egger "Sonntagsbibel"

📖 Letöres dla Gran festa de Pasca de Ma:

St.Ap 2, 1–11 | 1 Co 12, 3b–7.12–13 | Jan 20, 19–23 o Jan 15, 26–27; 16, 12–15



**Edema liturgica dai 16.05. ai 23.05.2021**

<b>DOM 16.</b>	<b>GRAN FESTA DL'ASCENSIUN DAL SIGNUR PALSACRUSC</b> De mondial dai mesi de comunicaziun soziai <b>08:30 gran messa</b> por dōta la ploania <i>Ernst Tittel, "Kleine Festmesse"</i> <b>s.m.</b> d'aniversar por † Paola Pedevilla Maneschg, Col Marchet <b>s.m.</b> por † Edoard Maneschg, Col Marchet <i>10:00 s.m. a Al Plan</i>	<i>Johannes Nepomuk, Adolf</i> <i>oferta por la ploania</i>
<b>Lön 17.</b> → <b>19:30</b>	<i>Dietmar, Walter</i> <b>funziun de ma, arjignada ca dla Joneza</b>	
<b>Ded 18.</b> <b>07:30</b>	<i>Jan I., Burkhard, Felix, Erich</i> <b>s.m.</b> por †† Maria, Berta y Lois Feichter, dal Cramer <b>s.m.</b> por † Nese Taibon ved. Erlacher, Cargá <b>devoziun a Santa Maria</b>	
<b>Dem 19.</b>	<i>Ivo, Zelestin V., Cuno</i>	
<b>Jöb 20.</b> → <b>19:30</b>	<i>Bernardin da Siena, Elfriede, Valeria, beata Josepha</i> <b>preparaziun y pissia dla Joneza</b>	
<b>Ven 21.</b> <i>07:30</i>	<i>Hermann Josef, Christophorus Magallanes y compagns</i> <i>s.m. a Al Plan</i>	
<b>Sab 22.</b> <b>07:30</b>  → <b>08:00</b> <i>18:00</i>	<i>Rita da Cascia, Renata, Julia</i> <b>s.m.</b> por la fam. Gebhard y Maria Peslalz, Tlea <b>s.m.</b> por vis y †† de Berto da Frena <b>devoziun a Santa Maria</b> <b>pissia dai scolari dla scora elementara y mesana</b> <i>s.m. prefestia a Al Plan</i>	
<b>DOM 23.</b>	<b>GRAN FESTA DE PASCA DE MA</b> <b>08:30</b> "Veni creator", <b>gran messa</b> ciantada en onú dal Spirit Sant por dōta la ploania → <b>ores d'adoraziun:</b> do messa cina les 10:30 Curt, dales 10:30 ales 11:30 La Pli y Pliscia <i>10:00 s.m. a Al Plan</i>	<i>Berto, Desider</i> <i>oferta por la ploania</i>
<b>ampola:</b>	por † Berta Comploi, Framacia	
<b>ministronc:</b>	• <b>dedolōnesc y sabeda:</b> Samuel y Jonas • <b>jöbia y domegna:</b> Filip y Sonia	
<b>i recordun:</b>	Paola Pedevilla Maneschg † 16.05.2019 Marianna Erlacher ved. Pedevilla, Al Plan † 18.05.2017	



**Maria nosta oma**

**Azeta les supliches de nosta oma Maria!**

I periun Chelbeldio, nosc Pere onipotent, co nes á scinché Maria, la oma de so Fi y i dijun:

**Azeta les supliches de nosta oma Maria!**

Tö as chirí fora Maria desco oma de to Fi: por sōa enterzesciun straverda la Dlijia da vigne prigo!

**Azeta les supliches de nosta oma Maria!**

Tö as fat Maria simbol dla Dlijia: dáí a dúc chi co crei unité y amur!

**Azeta les supliches de nosta oma Maria!**

Tö i as scinché Maria al monn desco oma: por sōa interzesciun scinca sanité ai amarés, consolaziun y speranza a chi co vir tal dolur!

**Azeta les supliches de nosta oma Maria!**

Tö as fat Maria plena de grazia: por sōa interzesciun dáí ai piciadús le pordonn y a dōta la jont pēsc y benedisciun!

**Azeta les supliches de nosta oma Maria!**

Tö as cherí fora Maria desco oma dla Sacra Familia de Nazaret: por sōa enterzesciun ten tōa man sora nosta familia y straverda sū membri, dandadöt chi co é dalunc da ciasa, da vigne mal!

**Azeta les supliches de nosta oma Maria!**



**"Con Ojep da Nazaret fora por cōsc ann y fora por nosta vita" (5)**



**I envocun Ojep desco patron cuntra la violenza sòn les eres:** che i sunse a òna da dí n "no" sterch a vigne violenza cuntra les eres. Desco comunité él da dodé che massa trec ciara tres ciamó demez y bagatelseia cinamai gonot cōsta violenza. Violenza cuntra les eres vá da opresciun psicologica cina a agresciuns fisiches posoces, co porta val' iade a catastrofes familiars. Ince le sfrutamont sessual é na ferida sota ala dignité dla era. Cōsc pó sozeder tla familia desco ince tla prostituziun. Papa Francesch dij te sōa pordica en Nanù 2020: "Vigne violenza cuntra les eres é na profanaziun de Dio. Dal corp de na era él gnù la salveza por l'umanité. Da desche i tratun le corp dla era conesciunse nosc nivel de umanité."